



სახელმწიფო შესყიდვების სააგენტო STATE PROCUREMENT AGENCY

სტანდარტული პერსონალური კომპიუტერების 2017 წლის
კონსოლიდირებული ტენდერის სატენდერო დოკუმენტაცია

2016 წელი, 28 ნოემბერი

მუხლი 1. ზოგადი დებულებები

1.1 წინამდებარე სატენდერო დოკუმენტაცია შემუშავებულია „სახელმწიფო შესყიდვების შესახებ“ საქართველოს კანონის (შემდგომში - კანონი) 20² მუხლის, სახელმწიფო შესყიდვების სააგენტოს თავმჯდომარის 2014 წლის 15 დეკემბრის №12 ბრძანებით დამტკიცებული სტანდარტული პერსონალური და სტანდარტული პორტაბელური/სატარებელი კომპიუტერების კონსოლიდირებული ტენდერის ჩატარების წესისა და პირობების, აგრეთვე „2017 წელს სტანდარტული პერსონალური და სტანდარტული პორტაბელური/სატარებელი კომპიუტერების სახელმწიფო შესყიდვის კონსოლიდირებული ტენდერების საშუალებით განხორციელების თაობაზე“ საქართველოს მთავრობის 2016 წლის 8 ნოემბრის №2334 განკარგულების საფუძველზე.

1.2 სახელმწიფო შესყიდვების ერთიან ელექტრონულ სისტემაში რეგისტრირებული ყველა შემსყიდველი ორგანიზაცია ვალდებულია 2017 წლის განმავლობაში წინამდებარე სატენდერო დოკუმენტაციის დანართით განსაზღვრული ტექნიკური პარამეტრების მქონე სტანდარტული პერსონალური კომპიუტერების სახელმწიფო შესყიდვა განახორციელოს სტანდარტული პერსონალური კომპიუტერების 2017 წლის კონსოლიდირებული ტენდერის (შემდგომში - კონსოლიდირებული ტენდერი) საშუალებით, გარდა უცხო ქვეყანაში საქართველოს შინაგან საქმეთა სამინისტროს, საქართველოს სახელმწიფო უსაფრთხოების სამსახურის, საქართველოს თავდაცვის სამინისტროს, თავდაცვის ატაშეს, აგრეთვე საქართველოს დიპლომატიური წარმომადგენლობისა და საკონსულო დაწესებულებების მიერ სტანდარტული პერსონალური კომპიუტერის შესყიდვისა.

1.3 კონსოლიდირებული ტენდერის ფარგლებში შემსყიდველი ორგანიზაციები არიან სახელმწიფო შესყიდვების ერთიან ელექტრონულ სისტემაში (შემდგომში - სისტემა) „შემსყიდველად“ რეგისტრირებული მომხმარებლები.

მუხლი 2. შესყიდვის ობიექტი

წინამდებარე სატენდერო დოკუმენტაციით განსაზღვრულ შესყიდვის ობიექტს წარმოადგენს სტანდარტული პერსონალური კომპიუტერი - ერთი და იგივე ბრენდის კომპლექტი: სისტემური ბლოკი, მონიტორი, კლავიატურა, მაუსი (შემდგომში - სტანდარტული დესკტოპი). შესასყიდი საქონლის საორიენტაციო რაოდენობა არის 7900 (შვიდი ათას ცხრაასი) ერთეული სტანდარტული დესკტოპი. შესასყიდი სტანდარტული დესკტოპის რაოდენობა საორიენტაციო ხასიათისაა და შესაძლებელია შეიცვალოს 20%-ით მეტი ან ნაკლები ოდენობით.

მუხლი 3. კონსოლიდირებულ ტენდერში მონაწილეობის პირობები, გამარჯვებული პრეტენდენტის გამოვლენა

3.1 კონსოლიდირებულ ტენდერში მონაწილეობის მიღება შეუძლიათ მხოლოდ სისტემაში „მიმწოდებლად“ რეგისტრირებულ მომხმარებლებს.

3.2 კონსოლიდირებულ ტენდერში მონაწილეობისათვის „მიმწოდებელმა“ უნდა გადაიხადოს კონსოლიდირებულ ტენდერში სატენდერო წინადადების წარდგენის საფასური - 2000 (ორი ათასი) ლარი. იმ შემთხვევაში, თუ კონსოლიდირებული ტენდერი შეწყდება ან დასრულდება უარყოფითი შედეგით, ხელმეორედ გამოცხადებულ კონსოლიდირებულ ტენდერში შეწყვეტილ ან უარყოფითი შედეგით დასრულებულ კონსოლიდირებულ ტენდერში მონაწილე პრეტენდენტისთვის სატენდერო წინადადების განმეორებით წარდგენის საფასური განისაზღვრება 200 (ორასი) ლარის ოდენობით. საფასურის გადახდა უნდა განხორციელდეს სისტემის მეშვეობით.

3.3 ტენდერში მონაწილეობის მიღება შეუძლია მხოლოდ იმ პრეტენდენტს, რომელსაც გააჩნია სტანდარტული დესკტოპის მიწოდების არანაკლებ ორწლიანი გამოცდილება, რომლის დამამტკიცებელი შესაბამისი დოკუმენტი უნდა დაერთოს პრეტენდენტის სატენდერო წინადადებას. აღნიშნულის თაობაზე პრეტენდენტმა სისტემის მეშვეობით უნდა წარმოადგინოს უფლებამოსილი პირის ხელმოწერით დადასტურებული შესაბამისი ინფორმაცია: მიღება-ჩაბარების აქტ(ებ)ი ან/და სახელმწიფო შესყიდვის ერთიანი ელექტრონული სისტემის მონაცემები, კერძოდ: SPA და CMR ნომრები.

3.4 პრეტენდენტი უნდა იყოს შემოთავაზებული სტანდარტული დესკტოპის მწარმოებლის ოფიციალური დილერი, რომლის დამამტკიცებელი შესაბამისი დოკუმენტი უნდა დაერთოს მიმწოდებლის სატენდერო წინადადებას.

3.5 პრეტენდენტს უნდა გააჩნდეს შემოთავაზებული სტანდარტული დესკტოპის მწარმოებლის მიერ სერტიფიცირებული მხარდაჭერის/შეკეთების არანაკლებ ხუთი გეოგრაფიული პუნქტი და ტექნიკური პერსონალი.

3.6 პრეტენდენტმა სატენდერო წინადადებასთან ერთად სისტემის მეშვეობით უნდა წარმოადგინოს სტანდარტული დესკტოპის ტექნიკური მხარდაჭერის/შეკეთების პუნქტების შესახებ ინფორმაცია (მისამართისა და საკონტაქტო ინფორმაციის მითითებით). აღნიშნული პუნქტები უნდა მდებარეობდეს: ქ. თბილისში, ქ. ბათუმში, ქ. ქუთაისში, ქ. გორსა და ქ. თელავში.

3.7 პრეტენდენტმა სატენდერო წინადადებასთან ერთად სისტემაში უნდა ატვირთოს ცნობა გადახდის უზნარობის საქმის წარმოების შესახებ, ცნობა ბიუჯეტის წინაშე დავალიანების შესახებ და ამონაწერი სამეწარმეო და არასამეწარმეო (არაკომერციულ) იურიდიულ პირთა რეესტრიდან. აღნიშნული დოკუმენტები გაცემულ უნდა იყოს არაუადრეს 2016 წლის 1-ლი ნოემბრისა.

3.8 პრეტენდენტის მიერ შემოთავაზებული სტანდარტული დესკტოპი უნდა აკმაყოფილებდეს წინამდებარე სატენდერო დოკუმენტაციის სტანდარტული დესკტოპის ტექნიკური პარამეტრების დანართით (შემდგომში დანართი) დადგენილ მოთხოვნებს.

3.9 პრეტენდენტმა სატენდერო წინადადებასთან ერთად სისტემაში უნდა ატვირთოს მის მიერ შემოთავაზებული სტანდარტული დესკტოპის ტექნიკური პარამეტრები წინამდებარე სატენდერო დოკუმენტაციის დანართით განსაზღვრული ტექნიკური პარამეტრების შესაბამისად. ამასთან, პრეტენდენტმა თავის სატენდერო წინადადებაში დეტალურად უნდა მიუთითოს შემოთავაზებული სტანდარტული დესკტოპის დასახელება, მოდელი, ტექნიკური პარამეტრები, ფოტო და სხვა მონაცემები, რაც უნდა ქმნიდეს შემოთავაზებული სტანდარტული დესკტოპის ზუსტი იდენტიფიცირების შესაძლებლობას.

3.10 პრეტენდენტმა სატენდერო წინადადებასთან ერთად უნდა წარადგინოს სტანდარტული დესკტოპის მწარმოებლის მიერ გაცემული სერთიფიკატი, რომლითაც უნდა დასტურდებოდეს შემოთავაზებული დესკტოპის ტექნიკური პარამეტრების შესაბამისობა წინამდებარე სატენდერო დოკუმენტაციის დანართით დადგენილ მოთხოვნებთან.

3.11 კონსოლიდირებული ტენდერის შერჩევა/შეფასების ეტაპზე, სტანდარტული პერსონალური და სტანდარტული პორტაბელური/სატარებელი კომპიუტერების 2017 წლის კონსოლიდირებული ტენდერების სატენდერო კომისიის (შემდგომში - სატენდერო კომისია) მოთხოვნის შემთხვევაში და სატენდერო კომისიის მიერ მითითებულ ვადაში, პრეტენდენტმა სატენდერო კომისიას უნდა წარუდგინოს:

ა) მისაწოდებელი სტანდარტული დესკტოპის ნიმუში;

ბ) სტანდარტული დესკტოპის ან მისი რომელიმე ნაწილის დანართით დადგენილ ტექნიკურ პარამეტრებთან შესაბამისობის დამადასტურებელი მწარმოებლის მიერ გამოგზავნილი ნებისმიერი კორესპონდენციის ორიგინალი.

3.12 კონსოლიდირებულ ტენდერში პრეტენდენტის მიერ წარდგენილი სატენდერო წინადადების ან/და სხვა დოკუმენტაციის სატენდერო განცხადებასთან ან/და სატენდერო დოკუმენტაციასთან შეუსაბამობის შემთხვევაში, პრეტენდენტი დაექვემდებარება დისკვალიფიკაციას.

3.13 იმ შემთხვევაში, თუ სატენდერო კომისია მიიჩნევს, რომ პრეტენდენტის მიერ წარმოდგენილ დოკუმენტებში არსებული ინფორმაციის გათვალისწინებით მიზანშეწონილი არ არის აღნიშნულ პრეტენდენტთან სახელმწიფო შესყიდვის შესახებ ხელშეკრულების დადება, სატენდერო კომისიას უფლება აქვს, უარი თქვას აღნიშნულ პრეტენდენტთან ხელშეკრულების გაფორმებაზე.

3.14 კონსოლიდირებულ ტენდერში სატენდერო წინადადების უზრუნველყოფის საბანკო გარანტია არ გამოიყენება. სატენდერო წინადადების უზრუნველყოფის მიზნით, პრეტენდენტი კონსოლიდირებულ ტენდერში მონაწილეობით კისრულობს ვალდებულებას, სახელმწიფო ბიუჯეტის სასარგებლოდ ჯარიმის სახით გადაიხადოს კონსოლიდირებულად შესასყიდი სტანდარტული დესკტოპების ჯამური ღირებულების 5%-ის ოდენობის თანხა იმ შემთხვევაში, თუ იგი უარს განაცხადებს სტანდარტული დესკტოპის სახელმწიფო შესყიდვის შესახებ ხელშეკრულების დადებაზე სატენდერო დოკუმენტაციაში მითითებულ ერთ ან რამდენიმე შემსყიდველ ორგანიზაციასთან, რომელზეც სავალდებულო წესით ვრცელდება კონსოლიდირებული ტენდერის მოქმედება. ჯარიმის გამოყენების შესახებ გადაწყვეტილებას იღებს სატენდერო კომისია შესაბამისი შემსყიდველი ორგანიზაციის მიმართვის საფუძველზე. აღნიშნული ვალდებულება მოქმედებს 2017 წლის 31 დეკემბრის ჩათვლით.

3.15 3.14 პუნქტით გათვალისწინებულ შემთხვევაში, სატენდერო კომისიას უფლება აქვს მიიღოს კონსოლიდირებული ტენდერის შეწყვეტის შესახებ გადაწყვეტილება. კონსოლიდირებული ტენდერის შეწყვეტის შემთხვევაში, სატენდერო კომისია მსჯელობს ახალი კონსოლიდირებული ტენდერის ჩატარების ან შესყიდვის ალტერნატიული საშუალებებით გამოყენების მიზანშეწონილობის საკითხზე და მიმართავს საქართველოს მთავრობას შესაბამისი რეკომენდაციით.

3.16 სატენდერო წინადადებების წარდგენა იწყება 2016 წლის 30 ნოემბერს და მთავრდება 2016 წლის 2 დეკემბერს. სატენდერო კომისია სატენდერო წინადადებებს განიხილავს გონივრულ ვადაში და შედეგები გამოქვეყნდება სისტემის მეშვეობით.

3.17 გამარჯვებული პრეტენდენტის სატენდერო წინადადება ძალაშია 2017 წლის 31 დეკემბრის ჩათვლით.

3.18 კონსოლიდირებული ტენდერი ჩატარდება სისტემის მეშვეობით და ელექტრონული ვაჭრობა გაიმართება 1 ერთეული სტანდარტული დესკტოპის ფასზე.

3.19 კონსოლიდირებულ ტენდერში 1 ერთეული სტანდარტული დესკტოპის საწყისი სავაჭრო ფასია 1150 (ათას ას ორმოცდაათი) ლარი. მინიმალური ბიჯის ოდენობა შეადგენს 5 (ხუთი) ლარს.

3.20 კონსოლიდირებულ ტენდერში გამარჯვებულად ჩაითვლება ის პრეტენდენტი, რომელიც ვაჭრობის შედეგად დააფიქსირებს ყველაზე დაბალ ფასს და ამასთან, დააკმაყოფილებს სატენდერო დოკუმენტაციითა და შესაბამისი სამართლებრივი აქტებით დადგენილ მოთხოვნებს. კონსოლიდირებულ ტენდერში მონაწილე ორი ან მეტი პრეტენდენტის მიერ თანაბარი უმცირესი ფასის დაფიქსირების შემთხვევაში, უპირატესობა მიენიჭება იმ პრეტენდენტს, რომელმაც პირველმა მიუთითა აღნიშნული ფასი.

3.21 კონსოლიდირებული ტენდერის ფარგლებში სტანდარტული დესკტოპების მიწოდებისას ანგარიშსწორება ხორციელდება უნაღდო ფორმით ეროვნულ ვალუტაში და მოიცავს საქართველოს კანონმდებლობით დადგენილ ყველა გადასახადს. შემსყიდველი ორგანიზაცია ვალდებულია, მიმწოდებლის მიერ საგადასახადო ანგარიშ-ფაქტურის წარმოდგენიდან 5 სამუშაო დღის ვადაში დაადასტუროს ან უარი თქვას ანგარიშ-ფაქტურის დადასტურებაზე შესაბამისი დასაბუთებით. ანგარიშსწორება განხორციელდება ანგარიშ-ფაქტურის დადასტურებიდან 5 სამუშაო დღის ვადაში.

3.22 სატენდერო კომისია, ბაზრის კონიუნქტურის გათვალისწინებით, უფლებამოსილია, 2017 წლის განმავლობაში ორჯერ გადახედოს მიმწოდებლის მიერ შემოთავაზებული სტანდარტული დესკტოპის ერთი ერთეულის ფასს და ბაზარზე შესაბამისი გარემოებების არსებობის შემთხვევაში, განიხილოს ერთეულის ფასის ცვლილება. იმ შემთხვევაში, თუ მიმწოდებელი არ დაეთანხმება სატენდერო კომისიის მიერ შემოთავაზებულ ახალ გონივრულ ფასს, აღნიშნული გამოიწვევს კონსოლიდირებული ტენდერის შეწყვეტას მიმწოდებლის მიმართ რაიმე სანქციის გამოყენების გარეშე.

მუხლი 4. შემსყიდველ ორგანიზაციასა და გამარჯვებულ პრეტენდენტს შორის გასაფორმებელი ხელშეკრულების ძირითადი პირობები, მხარეთა უფლებები და ურთიერთვალდებულებები

4.1 კონსოლიდირებული ტენდერის ფარგლებში ხელშეკრულება სტანდარტული დესკტოპის სახელმწიფო შესყიდვის შესახებ უნდა გაფორმდეს მხოლოდ კონსოლიდირებულ ტენდერში გამარჯვებულ პრეტენდენტთან, გარდა ამ დოკუმენტაციის 1.2 პუნქტით განსაზღვრული გამონაკლისი შემთხვევებისა.

4.2 გამარჯვებული პრეტენდენტი ვალდებულია, ხელშეკრულება დადოს სატენდერო დოკუმენტაციით განსაზღვრულ ნებისმიერ შემსყიდველ ორგანიზაციასთან, რომელზეც სავალდებულო წესით ვრცელდება კონსოლიდირებული ტენდერის მოქმედება და რომელიც მიმართავს მას ხელშეკრულების გაფორმების მოთხოვნით.

4.3 შემსყიდველი ორგანიზაცია ვალდებულია, ხელშეკრულების გაფორმების თაობაზე გამარჯვებულ პრეტენდენტს მიმართოს წერილობითი ფორმით. თავის მხრივ, გამარჯვებული პრეტენდენტი ვალდებულია, შემსყიდველი ორგანიზაციის მიმართვიდან არაუგვიანეს თხუთმეტი სამუშაო დღის ვადაში, გააფორმოს მასთან ხელშეკრულება ან არგუმენტირებული წერილობითი უარი განაცხადოს ხელშეკრულების გაფორმებაზე.

4.4 ხელშეკრულების პირობები განისაზღვრება წინამდებარე სატენდერო დოკუმენტაციით, „სახელმწიფო შესყიდვების შესახებ“ საქართველოს კანონით, სახელმწიფო შესყიდვების სააგენტოს თავმჯდომარის 2014 წლის 15 დეკემბრის №12 ბრძანებით დამტკიცებული სტანდარტული პერსონალური და სტანდარტული პორტაბელური/სატარებელი კომპიუტერების კონსოლიდირებული ტენდერის ჩატარების წესისა და პირობების შესაბამისად, კონსოლიდირებული ტენდერის ფარგლებში სტანდარტული დესკტოპის სახელმწიფო შესყიდვის თავისებურებათა გათვალისწინებით.

4.5 მიმწოდებელი ვალდებულია:

ა) შემსყიდველი ორგანიზაციის მიმართვიდან არაუგვიანეს თხუთმეტი სამუშაო დღის ვადაში, გააფორმოს მასთან ხელშეკრულება (მიუხედავად პირველი მოთხოვნით გათვალისწინებული სტანდარტული დესკტოპების რაოდენობისა) ან არგუმენტირებული წერილობითი უარი განაცხადოს ხელშეკრულების გაფორმებაზე.

ბ) უზრუნველყოს მისთვის ხელშეკრულებით გათვალისწინებული რაოდენობის სტანდარტული დესკტოპის მიწოდება ამ დოკუმენტაციის 4.5 პუნქტის „გ“ ქვეპუნქტით დადგენილი ვადების შესაბამისად.

გ) განახორციელოს სტანდარტული დესკტოპების მიწოდება შემსყიდველ ორგანიზაციასთან ხელშეკრულების დადების შემდეგ, მისი პირველი მოთხოვნიდან (მიუხედავად პირველი მოთხოვნით გათვალისწინებული რაოდენობისა) არაუგვიანეს 45 სამუშაო დღის ვადაში, ხოლო ყველა შემდგომი მოთხოვნის შემთხვევაში – მოთხოვნიდან (მიუხედავად მოთხოვნით გათვალისწინებული რაოდენობისა) არაუგვიანეს 15 სამუშაო დღის ვადაში. შემსყიდველი ორგანიზაციის მიერ სტანდარტული დესკტოპის პირველი მიწოდება არ უნდა განხორციელდეს 2017 წლის 1-ლ იანვრამდე.

დ) გაავრცელოს სტანდარტულ დესკტოპებზე 3 (სამი) წლიანი საგარანტიო მომსახურება, რომლის მიხედვითაც, მისი დაზიანების შემთხვევაში 10 (ათი) სამუშაო დღის განმავლობაში შეაკეთებს ან შეცვლის მას ახლით. საგარანტიო მომსახურება ასევე უნდა გაავრცელდეს იმ სტანდარტულ დესკტოპებზე, რომლებზეც შემსყიდველი ორგანიზაციის გადაწყვეტილებით უნდა დამონტაჟდეს ოპტიკური დისკის წამკითხავი (DVD ROM).

ე) უზრუნველყოს ამ სატენდერო დოკუმენტაციითა და შემსყიდველთან გაფორმებული ხელშეკრულებით გათვალისწინებული სხვა ვალდებულებების შესრულება.

ვ) სათანადო გულისხმიერებითა და პასუხისმგებლობით ითანამშრომლოს შემსყიდველ ორგანიზაციასთან, განიხილოს მისი მოსაზრებები, პრეტენზიები და მიაწოდოს მოტივირებული წერილობითი პასუხი ყველა საკითხზე.

4.6 მიმწოდებელი უფლებამოსილია, მოთხოვოს შემსყიდველ ორგანიზაციას ხელშეკრულებითა და ამ სატენდერო დოკუმენტაციით გათვალისწინებული მასზე დაკისრებული ვალდებულებების შესრულება.

4.7 შემსყიდველი ვალდებულია:

ა) განახორციელოს მიმწოდებელთან ანგარიშსწორება ამ დოკუმენტაციის 3.21 პუნქტის შესაბამისად.

ბ) უზრუნველყოს მიმწოდებლისაგან შესყიდული სტანდარტული დესკტოპის ტრანსპორტირება საკუთარი ხარჯებით, ასევე უზრუნველყოს მიმწოდებლის ტექნიკური მხარდაჭერის/შეკეთების პუნქტებში სტანდარტული დესკტოპის ტრანსპორტირება, თუ შემსყიდველ ორგანიზაციასა და მიმწოდებელს შორის ხელშეკრულებით სხვა რამ არ იქნა გათვალისწინებული.

გ) სათანადო გულისხმიერებითა და პასუხისმგებლობით ითანამშრომლოს მიმწოდებელთან, განიხილოს მისი მოსაზრებები, პრეტენზიები და მიაწოდოს მოტივირებული წერილობითი პასუხი ყველა საკითხზე.

დ) უზრუნველყოს ხელშეკრულების შესრულების კონტროლი.

ე) შეასრულოს ხელშეკრულებითა და სატენდერო დოკუმენტაციით დაკისრებული ვალდებულებები.

ვ) ხელშეკრულების გაფორმების თაობაზე გამარჯვებულ პრეტენდენტს მიმართოს წერილობითი ფორმით.

4.8 შემსყიდველი ორგანიზაცია უფლებამოსილია, მოსთხოვოს მიმწოდებელს ხელშეკრულებითა და სატენდერო დოკუმენტაციით გათვალისწინებული მასზე დაკისრებული ვალდებულებების შესრულება.

4.9 მიმწოდებლის მიერ კანონმდებლობითა და კონსოლიდირებული ტენდერის შედეგად ნაკისრი ვალდებულებების შეუსრულებლობის ან/და არაჯეროვანი შესრულების შემთხვევაში შემსყიდველი ორგანიზაცია მიმართავს სატენდერო კომისიას ხელშეკრულების შეწყვეტის საკითხის გადაწყვეტის მიზნით. გადაწყვეტილების მიღების დროს სატენდერო კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით.

4.10 სატენდერო კომისიის მიერ ხელშეკრულების შეწყვეტის შესახებ რეკომენდაციის გაცემის შემთხვევაში, შემსყიდველი ორგანიზაცია წყვეტს ხელშეკრულებას, რის შედეგადაც მიმწოდებელს დაეკისრება შემსყიდველი ორგანიზაციის სასარგებლოდ საჯარიმო თანხის გადახდა კონკრეტული ხელშეკრულებით შესასყიდი (დარჩენილი) სტანდარტული დესკტოპის ხელშეკრულებით განსაზღვრული საორიენტაციო ღირებულების 5%-ის ოდენობით.

4.11 სატენდერო დოკუმენტაციის 4.9 პუნქტით გათვალისწინებულ შემთხვევაში, სატენდერო კომისიას უფლება აქვს, მიიღოს კონსოლიდირებული ტენდერის შეწყვეტის შესახებ გადაწყვეტილება. კონსოლიდირებული ტენდერის შეწყვეტის შემთხვევაში, სატენდერო კომისია მსჯელობს ახალი კონსოლიდირებული ტენდერის ჩატარების ან შესყიდვის ალტერნატიული საშუალებებით გამოყენების მიზანშეწონილობის საკითხზე და მიმართავს საქართველოს მთავრობას შესაბამისი რეკომენდაციით.

4.12 ხელშეკრულებით გათვალისწინებული სტანდარტული დესკტოპების მიწოდების ვადა სატენდერო წინადადების მოქმედების ვადას შესაძლებელია აღემატებოდეს არაუმეტეს ათი სამუშაო დღით.

მუხლი 5. დასკვნითი დებულებანი

სატენდერო კომისიასთან მიმოწერა კონსოლიდირებულ ტენდერთან დაკავშირებულ ნებისმიერ საკითხზე შესაძლებელია განხორციელდეს შემდეგი ელექტრონული ფოსტის მეშვეობით: comp2017@spa.gov.ge აღნიშნული ელექტრონული ფოსტის საშუალებით გაგზავნილი კორესპონდენცია წარმოადგენს იურიდიული ძალის მქონე დოკუმენტებს.

სტანდარტული დესკტოპის ტექნიკური პარამეტრები

1. შემოთავაზებული სტანდარტული დესკტოპის სისტემური ბლოკი, მონიტორი, კლავიატურა და მაუსი უნდა იყოს ისეთი ბრენდის, რომელიც მსოფლიო ბაზარზე არანაკლებ 10 წელი იყიდება.
2. შემოთავაზებულ სტანდარტული დესკტოპის სისტემურ ბლოკს, მონიტორს, კლავიატურასა და მაუსს უნდა გააჩნდეს სტანდარტიზაციის საერთაშორისო ორგანიზაციის (ISO) სერტიფიკატი, რომლის დამამტკიცებელი ინგლისურენოვანი ან ქართულ ენაზე ოფიციალურად ნათარგმნი შესაბამისი დოკუმენტი უნდა დაერთოს მიმწოდებლის სატენდერო წინადადებას.
3. შემოთავაზებული დესკტოპის ტექნიკური პარამეტრები უნდა აკმაყოფილებდეს ცხრილი 1-ის ან ცხრილი 2-ის მოთხოვნებს.

ცხრილი N1

	სავალდებულო მოთხოვნები	ტექნიკური მახასიათებლები	
	მონიტორი:(მწარმოებელი, მოდელი, მწარმოებელი ქვეყანა)		
	ტიპი	21,5” Widescreen უკანა LED განათებით	
	ფორმატი	16:9	
	რეაგირების დრო	მაქსიმუმ 8 მილიწამი	
	მატრიცის ტიპი	TN ან უკეთესი	
	გარჩევადობა	1920x1080	

	კონტრასტულობა	დინამიური 3 000 000:1 ან მეტი	
	სიკაშკაშე	250 ცდ/მ2	
	უკანა განათების სამუშაო ციკლი	არანაკლებ 30 000 საათი	
	ხედვის კუთხე	170° ჰორიზონტალი ან მეტი 160° ვერტიკალი ან მეტი	
	დახრის კუთხე	არაუმეტეს -5, არანაკლებ +15 გრადუსი	
	ვიდეო პორტები	VGA სავალდებულო, HDMI ან DVI ან Display Port	
	მონიტორს უნდა მოყვებოდეს შესაბამისი კვების კაბელი და ვიდეო კაბელები	VGA კაბელი	
	სისტემური ბლოკი: (მწარმოებელი, მოდელი, მწარმოებელი ქვეყანა)		
	პროცესორი		
	გამოთვლითი ბირთვები	არანაკლებ 10 (4CPU+6GPU)	
	GPU ტაქტური სიხშირე:	არანაკლებ 720MHz	
	ბირთვების რაოდენობა	არანაკლებ 4 (ოთხი)	
	L2 „ქეში“	არანაკლებ 4 მეგაბაიტი	
	ტაქტური სიხშირე	არანაკლებ 3.1 GHz (ხოლო Turbo რეჟიმში არანაკლებ 3,8GHz)	
	უნდა გააჩნდეს ვირტუალიზაციის მხარდაჭერა		

	დედაპლატა		
	ჩაშენებული ვიდეო პლატა	მინიმუმ DX10-ის ან DX11-ის მხარდაჭერით	
	მყარი დისკის კონტროლერი	SATA, არანაკლებ 3 ინტერფეისისა	
	ჩაშენებული ქსელის ადაპტერი	RJ-45 10/100/1000	
	გაფართოების სლოტები	DIMM სლოტი (Dual Channel-ის მხარდაჭერით) - 2 ცალი ან მეტი; PCI-E 16x - 1 ცალი ან მეტი	
	პორტები	USB 2.0 ან უკეთესი: 6-ცალი ან მეტი, აქედან მინიმუმ 2 სისტემური ბლოკის წინა პანელზე და მინიმუმ 4 უკანა პანელზე	
	გრაფიკული ინტერფეისები	VGA სავალდებულო, დამატებით HDMI ან DVI ან Display Port	
	ოპერატიული მეხსიერება	მოცულობა: არანაკლებ 4096მბ ერთი მოდულით; ტიპი: DDR3 (1600MHz) ან უკეთესი	
	მყარი დისკი	მოცულობა: არანაკლებ 500გბ; ბრუნვის სიჩქარე: არანაკლებ 7200rpm, 16Mb Cache; ინტერფეისის ტიპი: SATA 6Gb/s	
	DVD/CD წამკითხველი (DVD/CD Rom)	სავალდებულო არაა. სისტემურ ბლოკს უნდა ჰქონდეს არანაკლებ 1 DVD წამკითხველისთვის განკუთვნილი თავისუფალი ადგილი.	
	კლავიატურა: (მწარმოებელი, მოდელი, მწარმოებელი ქვეყანა)	სტანდარტული, მინიმუმ 104 კლავიშიანი, USB	
	მაუსი: (მწარმოებელი, მოდელი, მწარმოებელი ქვეყანა)	ლაზერული ან ოპტიკური USB (scroll-ის ფუნქციით)	
	ოპერაციული სისტემა	Preinstalled Windows 10 Professional 64 OEM	

	სავალდებულო მოთხოვნები	ტექნიკური მახასიათებლები	
	მონიტორი:(მწარმოებელი, მოდელი, მწარმოებელი ქვეყანა)		
	ტიპი	21,5" Widescreen უკანა LED განათებით	
	ფორმატი	16:9	
	რეაგირების დრო	მაქსიმუმ 8 მილიწამი	
	მატრიცის ტიპი	TN ან უკეთესი	
	გარჩევადობა	1920x1080	
	კონტრასტულობა	დინამიური 3 000 000:1 ან მეტი	
	სიკაშკაშე	250 ცდ/მ2	
	უკანა განათების სამუშაო ციკლი	არანაკლებ 30 000 საათი	
	ხედვის კუთხე	170° ჰორიზონტალი ან მეტი 160° ვერტიკალი ან მეტი	
	დახრის კუთხე	არაუმეტეს -5, არანაკლებ +15 გრადუსი	

	ვიდეო პორტები	VGA სავალდებულო, HDMI ან DVI ან Display Port	
	მონიტორს უნდა მოყვებოდეს შესაბამისი კვების კაბელი და ვიდეო კაბელები	VGA კაბელი	
	სისტემური ბლოკი: (მწარმოებელი, მოდელი, მწარმოებელი ქვეყანა)		
	პროცესორი		
	ბირთვების რაოდენობა	არანაკლებ 2(ორი)	
	ლიტოგრაფია	არაუმეტეს 14 nm	
	ნაკადების რაოდენობა	არანაკლებ 4 (ოთხი)	
	L3 „ქეში“	არანაკლებ 3 მეგაბაიტი	
	ტაქტური სიხშირე	არანაკლებ 3.70 GHz	
	უნდა გააჩნდეს ვირტუალიზაციის მხარდაჭერა		
	დედაპლატა		
	ჩაშენებული ვიდეო პლატა	მინიმუმ DX10-ის ან DX11- ის მხარდაჭერით	
	მყარი დისკის კონტროლერი	SATA, არანაკლებ 3 ინტერფეისისა	
	ჩაშენებული ქსელის ადაპტერი	RJ-45 10/100/1000	
	გაფართოების სლოტები	DIMM სლოტი (Dual Channel-ის მხარდაჭერით) - 2 ცალი ან მეტი; PCI-E 16x - 1 ცალი ან მეტი	
	პორტები	USB 2.0 ან უკეთესი: 6- ცალი ან მეტი, აქედან მინიმუმ 2 სისტემური ბლოკის წინა პანელზე და მინიმუმ 4 უკანა პანელზე	
	გრაფიკული ინტერფეისები	VGA სავალდებულო, HDMI ან DVI ან Display Port	

	ოპერატიული მეხსიერება	მოცულობა: არანაკლებ 4096მბ ერთი მოდულით; ტიპი: DDR3 (1600MHz) ან უკეთესი	
	მყარი დისკი	მოცულობა: არანაკლებ 500გბ; ბრუნვის სიჩქარე: არანაკლებ 7200rpm, 16MB Cache. ინტერფეისის ტიპი: SATA 6Gb/s	
	DVD/CD წამკითხველი (DVD/CD Rom)	სავალდებულო არაა. სისტემურ ბლოკს უნდა ჰქონდეს არანაკლებ 1 DVD წამკითხველისთვის განკუთვნილი თავისუფალი ადგილი.	
	კლავიატურა: (მწარმოებელი, მოდელი, მწარმოებელი ქვეყანა)	სტანდარტული, მინიმუმ 104 კლავიშიანი, USB	
	მაუსი: (მწარმოებელი, მოდელი, მწარმოებელი ქვეყანა)	ლაზერული ან ოპტიკური USB (scroll-ის ფუნქციით)	
	ოპერაციული სისტემა	Preinstalled Windows 10 Professional 64 OEM	